

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 17. stav (1) i člana 18. stav (1) Zakona o javnim nabavkama („Službeni glasnik BiH“, broj: 39/14), člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16 i 5/18), člana 19. stav 1. tačka 2), člana 21. stav 4. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), člana 7. i 9. Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) i člana 3. stav (1) Odluke o usvajanju Plana javnih nabavki Zeničko-dobojskog kantona u 2018. godini, broj: 02-14-5992/18 od 05.04.2018. godine, Vlada Zeničko-dobojskog kantona, na svojoj 145. sjednici održanoj 01.06.2018. godine, d o n o s i

O D L U K U

o pokretanju postupka javne nabavke usluga za dugoročno kreditno zaduženje Zeničko-dobojskog kantona u 2018. godini

Član 1.

(Predmet i vrsta postupka javne nabavke usluga)

Vlada Zeničko-dobojskog kantona kao ugovorni organ pokreće otvoreni postupak javne nabavke usluga za dugoročno kreditno zaduženje Zeničko-dobojskog kantona u 2018. godini, u iznosu od 12.000.000,00 KM, plus pripadajuće kamate, a u svrhu finansiranja budžetskog deficita Kantona.

Član 2.

(Zakonski osnov)

Zakonski osnov za pokretanje postupka javne nabavke je član 17. stav (1) i član 18. stav (1) Zakona o javnim nabavkama („Službeni glasnik BiH“, broj: 39/14), član 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16 i 5/18), član 19. stav 1. tačka 2), član 21. stav 4. i član 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), član 7. i 9. Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) i član 3. stav (1) Odluke o usvajanju Plana javnih nabavki Zeničko-dobojskog kantona u 2018. godini, broj: 02-14-5992/18 od 05.04.2018. godine.

Član 3.

(Procjenjena vrijednost javne nabavke)

Ukupna procjenjena vrijednost javne nabavke za dugoročno kreditno zaduženje Zeničko-dobojskog kantona u 2018. godini iznosi do maksimalno 2.010.000,00 KM (što uključuje ukupan iznos kamata sa svim drugim troškovima kredita izraženim u KM za cijeli period otplate kredita).

Član 4

(Izvor finansiranja)

Predmetna nabavka je planirana na strani 24., pod rednim brojem 4. Plana javnih nabavki Zeničko-dobojskog kantona u 2018. godini i ista će biti finansirana iz sredstava Budžeta Kantona.

Član 5.

(Stupanje na snagu)

Ova odluka stupa na snagu danom donošenja i objavit će se u “Službenim novinama Zeničko-dobojskog kantona.”.

Broj: 02-14-9241/18.

Datum, 01.06.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo finansija,

1x Služba za zajedničke poslove,

1x na uvid – Skupština Kantona,

1x “Službene novine Zeničko-dobojskog kantona”,

1x a/a.